



**Claudii Fleurii Abbatis Historia Ecclesiastica**

Ab anno Christi 1729. usque ad annum 1731

**Fleury, Claude**

**August. Vind. [u.a.], 1785**

**VD18 13322648**

§. 16. Quorumdam Doctorum oppositio.

---

[urn:nbn:de:hbz:466:1-67677](#)

„Postulo igitur I. ut nominentur Sæc. XVIII.  
„Deputati, qui expendant, qua ratio- A.C. 1729.  
„ne, quibusve mediis, totum istud  
„gravissimum negotium tandem ali-  
„quando finiri possit. „

„Postulo insuper II. ut inscribatur  
„in Commentariis sacræ Facultatis  
„Epistola Regia die quarta hujus Men-  
„sis plenis in Comitiis lecta. „

### §. XVI.

#### *Quorundam Doctorum oppositio.*

**C**oavenerant rursus Doctores die pri-  
ma Decembris, eisque, quæ in ul-  
timis comitiis conclusa fuissent, relectis,  
circa Deputatos a Facultate nominan-  
dos declararunt, per decretum Anno  
1714. a S. Facultate die 5. & 10. Martii  
latum, jam tunc in comitiis Constitu-  
tionem *Unigenitus* fuisse receptam, De-  
putatos autem Tournelyum, Calme-  
lum, le Moyne, Favartium, Targ-  
nyum, Drouynum, Bouquetum, Vi-  
rotum, Nicolasiūm, Barrinum, Val-  
lesium, & le Jeune esse nominandos,  
qui expenderent, non quidem, utrum  
a Facultate sit recepta hæc Constitutio,  
quam utique S. Facultas a se receptam  
fuisse profitetur, & si opus foret, etiam-  
num a se acceptari declararet, sed dun-  
taxat, ut ponderent, qua facilitiori via

D 4                  reduci

Sæc. XVIII. reduci possent dissentientes ad unitam.  
A. C. 1729. tem & obsequium huic decreto Apostolico debitum,

quod tum in Imperio Gallico tum in Universa Ecclesia vim legis obtinet: Hi ergo, relata in commentarios Facultatis epistola Regia, quid desuper censerent, ad Facultatem referrent. His perceptis Magister Lagneau legentem interpellans, subjunxit, gravia rationum momenta obstat, quominus Facultatis conclusio circa receptam Constitutionem confirmaretur. Verum nulla hujus oppositionis habita ratione, Syndicus Conclusionis lectionem absolvi petlit; mox autem idem Magister, ne non Doctor La Croix alta voce inter alias rationes, ob quas hæc Conclusio non esset confirmanda, exposuit, obstat libellum quemdam supplicem, cui quidam Magistri subscripsissent, eumque Parlamento consignassent: ad hæc vero reposuit Syndicus, eorum, quæ non apparerent, ac si non essent, idem esse judicium ac illorum, quæ nunquam existissent, ex rumoribus quidem publicis revera constare, ejusmodi libellum Senatui Parisiensi fuisse porrectum, sed eadem fama publica annuntiatum, illum non fuisse admissum, utrique tamen Doctori, si vellent, sese opponere, integrum fore, dummodo ambo

ambo suæ oppositionis rationes scripto- Sæc. XVIII.  
tenus consignarent, ut Sacer Ordo de- A. C. 1729.  
super deliberare posset. Ad hoc au-  
tem conticuere omnes, excepto solo  
Magistro Magnodeto, qui ingenti vocis  
contentione exclamabat, se adversus  
hanc Facultatis Conclusionem insur-  
gere. Tumultuarium inde murmur  
exortum est aliorum cum assensu, alio-  
rum assentientes increpantium, quo-  
circa Syndicus postulavit, ut suo quis-  
que Ordine sensa sua promeret: Magno-  
detus tamen suam oppositionem hoc  
scripto declaravit: *Ego infra scriptus*  
*S. Facultatis Parisiensis Doctor Theologus*  
*accipiens cum debita reverentia Constitutio-*  
*nem UNIGENITUS intercedo nihilominus,*  
*ne Conclusio lata die octava mensis præteriti*  
*hodierna die confirmetur quoad illam par-*  
*tem, qua dicitur, constare illam Consti-*  
*tutionem acceptatam fuisse a S. Facul-*  
*tate die quinta Martii Anni 1714. pro-*  
*pterea quod ipsa sacra Facultas postea de-*  
*claraverit multis in Comitiis falsum esse*  
*illud Decretum. Datum die 1. Decem-*  
*bris 1729. Signatum, Magnodet.*

Postmodum Facultatis Decanus  
circa hanc oppositionem deliberari pe-  
tit, cumque Deputati suam relatio-  
nem nondum paratam haberent, comi-  
tia ad diem decimam quintam De-

D 5 cem-

Sæc. XVIII. cembbris prorogavit, interim vero Sacer  
A. C. 1729. Ordo hanc sententiam protulit;

*Sacra Facultas ratam habet Conclusio-  
nem latam die octava Mensis præteriti,  
eamque, nulla habita ratione intercessionis  
factæ a Magistro Magnodet, juxta fus-  
fragia nonaginta quatuor Magistrorum,  
ex centum & septem, qui suam dixere sen-  
tentiam, quindecim Magistris aliter &  
versa sentientibus, hac præsentii Conclusione  
confirmat, & salutis modo Magistro Ma-  
gnodet, si petierit, concedendum esse censet  
Actum sui obsequii & observantiae erga  
Constitutionem Unigenitus, quam a se  
scripto declaravit, acceptari.*

§. XVII.  
*Relatio a Deputatis in pleno con-  
fessu facta.*

Die præfixa in comitiis Tournelyus  
senior ex Deputatis exposuit, con-  
venisse sæpius Deputatos, remqne  
fuisse sedulo ac mature a cunctis per-  
pensam, eorum etiam, quæ ad S. Or-  
dinem referenda censuissent, relatio-  
nem jam esse descriptam, se tamen,  
ob caligantes oculos hoc scriptum præ-  
legere haud posse, rogare igitur, ut  
Syndicus hanc in se provinciam susci-  
pere vellet: Hic ergo Tournelii merita  
pluri-